



Republika e Kosovës
Republika Kosova-Republic of Kosovo
Qeveria-Vlada-Government

Ministria e Industrisë, Ndërmarrësisë dhe Tregtisë
Ministarstvo Industrije, Preduzetništva i Trgovine
Ministry of Industry, Entrepreneurship and Trade

Agjencia për Investime dhe Përkrahjen e Ndërmarrjeve në Kosovë

**UDHËZUES PËR APLIKIM NË THIRRJEN PUBLIKE PËR
SUBVENCIONIM ME MJETE FINANCIARE PËR NVM DHE
KRITERET PËR APLIKUESIT**

SKEMA E GRANTEVE

Përkrahja e ndërmarrjeve mikro, të vogla dhe të mesme për blerjen e makinerive prodhuese dhe përpunuese sipas kategorive (Lot I, Lot II dhe Lot III)

Autoriteti kontraktues: Ministria e Industrisë, Ndërmarrësisë dhe Tregtisë (MINT)

Autoriteti zbatues: Agjencia për Investime dhe Përkrahjen e Ndërmarrjeve në Kosovë (KIESA)

Afati për dorëzimin e aplikacionit dhe dokumenteve përcjellëse:
Nga data 27.03.2024 deri më datë 19.04.2024

Përmbajtja

1. Hyrje
2. Përkrahja financiare e ofruar nga MINT/KIESA
3. Dokumentet e kërkuara sipas Udhëzimit Administrativ 01/2018
4. Subjektet afariste që nuk kualifikohen
5. Kohëzgjatja
6. Sqarime shtesë
7. Si të aplikohet
8. Kriteret e vlerësimit
9. Ankesat

1. Hyrje

Ministria e Industrisë, Ndërmarrësisë dhe Tregtisë, përmes Agjencisë për Investime dhe Përkrahjen e Ndërmarrjeve në Kosovë (KIESA), lanson skemën e granteve për blerje të makinerive prodhuese dhe përpunuese për sektorin privat, në veçanti për sektorët sipas analizës së politikës industriale e cila ka për qëllim transformimin strukturor në një industri më të integruar globalisht që është në gjendje të prodhojë produkte me vlerë të lartë të shtuar.

Për të arritur këtë synim, sipas analizës së performancës industriale dhe studimeve të zingjirëve të vlerës për zhvillim industrial dhe mbështetje të bizneseve, janë identifikuar nën sektorët me potencial më të lartë për të arritur plotësimin e objektivave të politikës industriale. Prandaj, grant skema ka për qëllim të kontribuojë në rritjen e prodhimit dhe përpunimit, përmirësimin e bilancit tregtar përmes rritjes së eksportit apo rritjes së pjesëmarrjes së produkteve në tregun vendor, rritjes së investimeve dhe punësimit, duke përfshirë edhe nxitjen e bizneseve që të kontribuojnë dhe përfitojnë përmes ekonomisë qarkore.

MINT, respektivisht KIESA fton Ndërmarrjet e Vogla dhe të Mesme (NVM) që të aplikojnë për përkrahje financiare përmes kësaj skeme sipas klasifikimit të NACE Rev2 ku fushë veprimtaria primare ose sekondare duhet të jetë në njërin nga kodet si në vijim:

- | | |
|---|---|
| <input type="checkbox"/> Kodi 10 | Përpunimi i produkteve ushqimore |
| <input type="checkbox"/> Kodi 11 | Prodhim/përpunim i pijeve |
| <input type="checkbox"/> Kodi 13, 14 dhe 15 | Prodhim/përpunim i tekstilit, veshjes dhe lëkurës |
| <input type="checkbox"/> Kodi 16 dhe 31 | Prodhim/përpunim i drurit dhe mobileve |
| <input type="checkbox"/> Kodi 22 | Prodhim/përpunim i produkteve të gomës dhe plastikes |
| <input type="checkbox"/> Kodi 23 | Prodhim/përpunim i produkteve minerale jo metalike |
| <input type="checkbox"/> Kodi 24 dhe 25 | Prodhim/përpunim i metaleve dhe prodhimi i produkteve të fabrikuara metalike. |

2. Përkrahja financiare e ofruar nga MINT/KIESA

Shuma totale e kësaj thirrje është 1,700,000.00€. Autoriteti kontraktues rezervon të drejtën të mos shpërndajë të gjitha mjetet në dispozicion. Grantet do të ndahen përmes tre kategorive si në vijim:

- Lot 1 – Ndërmarrjet mikro, të punësuar deri në 9 punëtorë mund të përfitojnë në vlerë maksimale deri në 20,000€. Buxheti për këtë kategori është 700,000€. Numri i ndërmarrjeve përfituese është 35, por mbetet në diskrecion të autoritetit kontraktues që ky numër të finalizohet sipas thirrjes dhe nevojave të thirrjes.

- Lot 2 – Ndërmarrjet e vogla, të punësuar 10 deri 49 punëtorë mund të përfitojnë në vlerë maksimale deri në 35,000€. Buxheti për këtë kategori është 700,000€. Numri i ndërmarrjeve përfituese është 20, por mbetet në diskrecion të autoritetit kontraktues që ky numër të finalizohet sipas thirrjes dhe nevojave të thirrjes.
- Lot 3 – Ndërmarrjet e mesme, të punësuar 50 deri 249 punëtorë mund të përfitojnë në vlerë maksimale deri në 50,000€. Buxheti për këtë kategori është 300,000€. Numri i ndërmarrjeve përfituese është 6, por mbetet në diskrecion të autoritetit kontraktues që ky numër të finalizohet sipas thirrjes dhe nevojave të thirrjes.

Shënim:

Në rast që nuk plotësohet kuota e ndonjërit Lot, atëherë teprica e buxhetit mund të bartet në Lot-et tjera. Përfituesit e granteve duhet të bashkë financojnë realizimin e projektit si në vijim:

- Lot 1 - jo më pak se 30%
- Lot 2 - jo më pak se 40% dhe
- Lot 3 - jo më pak se 50%.

3. Dokumentet e kërkuara sipas Udhëzimit Administrativ 01/2018

- Certifikatën e regjistrimit të biznesit me të gjitha informatat përcjellëse sipas kërkesave të legjislacionit në fuqi në Republikën e Kosovës.
- Certifikatën e numrit fiskal (nuk aplikohet për bizneset të cilat numrin e regjistrimit të biznesit dhe numrin fiskal e kanë në një certifikatë).
- Vërtetim tatimor me të cilën vërtetohet se aplikuesi nuk ka borxhe aktuale tatimore të pashlyera apo obligime tjera tatimore ose është në marrëveshje për shlyerjen e borxhit me ATK.
- Listën e punëtorëve për vitin 2023 të lëshuar nga ATK (mund të nxjerrët online nga ueb faja e ATK-së). Në bazë të listës do të kategorizohen dhe vlerësohen ndërmarrjet si: mikro, të vogël apo e mesme dhe do të vlerësohen piket e punësimit të gjinisë femërore.¹
- Kopjen e letërnjoftimit të personit/ve në emër të cilit/ve është i regjistruar aplikuesi.
- Dëshmi nga aplikuesi se nuk është nën falimentim ose nën administrim të dhunshëm gjyqësor të lëshuar nga Gjykata Themelore – kërkohet origjinali jo më i vjetër se 30 ditë.
- Dëshminë e xhirollogarisë aktive të aplikuesit në njërin prej bankave të licencuara nga Banka Qendrore e Kosovës.
- Gjendjen e xhirollogarisë bankare të aplikuesit për vitin e fundit (2023). Për aplikuesin e sapo themeluar kjo nuk është e aplikueshme.
- Projekt-propozimin që përfshin: qëllimin, aktivitetet e projektit, koston financiare, planin kohor të realizimit të projektit dhe strukturën organizative të aplikuesit.²

¹ Lista e punëtorëve për vitin 2023 e lëshuar nga ATK me emrin e subjektit aplikues në harmoni me NUI.

² Forma e projekt propozimit që duhet të plotësohet mund të shkarkohet nga portali e-Kosova.

- Të mos ketë pranuar mjete nga burimet tjera të financimit për të njëjtat aktivitete, (e dëshmuar me deklaratë nën betim).
- Të kenë kryer të gjitha detyrimet nga mbështetja financiare paraprake, nëse kanë përfituar nga burimet publike të financimit nga MINT për dy vitet e fundit, (e dëshmuar me deklaratë nën betim).
- Oferta për makinerinë prodhuese dhe përpunuese nuk duhet të jetë më e vjetër se data e shpalljes së kësaj thirrjes dhe duhet të ketë vlerën në euro. Subjekti aplikues obligohet të sjell ofertën direkt nga prodhuesi i makinerisë.

Në harmoni me kriteret e lartpërmendura, pako e aplikuesit duhet të përmbajë:

- Shtojcën A - Aplikacioni
- Shtojcën B - Buxheti
- Shtojcën C- Projekt propozimi

Sqarim:

Në mungesë të cilit do dokument të kërkuar me lartë, përfshirë shtojcat, subjektet aplikuese do të diskualifikohen dhe nuk do të shqyrtohen për vlerësim.

4. Subjektet afariste që nuk kualifikohen

Subjektet afariste të cilat kanë bankrotuar apo janë në mbyllje, janë nën administrim të gjykatave, kanë pezulluar aktivitetet afariste, apo i janë nënshtruar procedurave në lidhje me këto çështje, nuk mund të marrin pjesë në thirrje apo të jenë përfitues të skemës së granteve.

5. Kohëzgjatja

Kohëzgjatja e planifikuar e projektit që financohet nga MINT/KIESA nuk mund të tejkalojë gjashtë (6) muaj që nga nënshkrimi i kontratës ndërmjet dy palëve (përveç nëse ndryshe parashihet me kushtet e kontratës apo raportit të komisionit monitorues).

6. Sqarime shtesë

- Aplikacionet mund të plotësohen në gjuhën shqipe, serbe dhe angleze.
- NVM-të që kanë përfituar subvencionim me mjete financiare për blerjen e makinerive prodhuese dhe përpunuese gjatë vitit 2021, 2022 dhe 2023 nga MINT dhe KIESA nuk kanë të drejtë të përfitojnë nga kjo thirrje. Brenda vitit 2024 kompania e njëjtë nuk mund të jete përfituese paralel në dy grant skemat, atë të makinerisë dhe certifikimit.
- Në rast që ndërmarrja do të jetë përfitues, atëherë do të nënshkruhet marrëveshje dypalëshe (MINT/KIESA dhe ndërmarrje), pjesë e secilës do të jenë edhe deklaratimet që janë bërë me rastin e aplikimit.

- Fushë veprimtaria e ndërmarrjeve duhet të jetë në harmoni me nën sektorët sipas klasifikimit NACE Rev2 dhe nuk pranohet asnjë ndryshim-plotësim pas hapjes së kësaj thirrje publike.
- Pas nënshkrimit të marrëveshjes, ndërmarrjes përfituese do t'i transferohen 80% e vlerës së aprovuar, ndërsa 20% e vlerës së mbetur do t'i transferohen pas realizimit të projektit. Para nënshkrimit të marrëveshjes, ndërmarrjet përfituese obligohen me sjell garancion nga kompanitë e sigurimit apo nga bankat, për vlerën totale të grantit.
- TVSH është shpenzim i pranueshëm vetëm për persona fizik dhe ndërmarrje jo deklaruese të TVSH-së. Për ndërmarrjet që janë deklaruese të TVSH-së, ky është shpenzim i papranueshëm.
- Makinaria prodhuese/përpunuese e cila kërkohet të subvencionohet duhet të jetë e re të këtë marrëveshje për dërgesë deri në fabrike, instalim, mirëmbajtje dhe trajnim të stafit dhe nuk lejohet të shes makinë brenda tre (3) viteve. Kjo do të jetë pjesë e marrëveshjes së bashkëfinancimit.
- Përfitues do të jenë ndërmarrjet që janë renditur më pikë më të larta nga komisioni vlerësues, varësisht prej limiteve buxhetore të planifikuara.
- Ndryshimi i ofertës mund të bëhet vetëm me kërkesë të veçantë e cila parashtrohet në MINT/KIESA, respektivisht në komisionin monitorues. Kërkesa duhet të mbështetet në arsye të qëndrueshme nga përfituesi dhe e njëjta mund të implementohet vetëm pas miratimit të kërkesës dhe nuk ndryshohet koncepti i projektit dhe shuma e grantit nga Ministria. Në rastet kur kemi ofertues me çmime më të larta se ato të prezantuara në projektin aplikues, atëherë ndryshimet e çmimeve janë obligim i përfituesit dhe në asnjë rast nuk ndryshon vlera e grantit nga Ministria.
- Në ueb të MINT/KIESA do të publikohet lista e ndërmarrjeve të vlerësuara.

7. Si të aplikohet?

Njoftimi për thirrje publike është i publikuar në ueb faqen e MINT dhe të KIESA-së:

- <https://mint.rks-gov.net/>
- <http://kiesa.rks-gov.net/>

Aplikimi bëhet përmes platformës e-Kosova. Afati për dorëzimin e aplikacionit dhe dokumenteve përcjellëse është deri më datë 19.04.2024. Ndërsa, informatat shtesë mund të merren përmes email adresës: sme.kiesa@rks-gov.net konform U.A.01/2018, jo më vonë se pesë (5) ditë para mbylljes së thirrjes publike.

8. Kriteret e vlerësimit

#	Vlerësimi	Pikët maksimale		
		Lot 1 mikro	Lot 2 e vogël	Lot 3 e mesme
1	Projekt propozimi ³	30	30	30
2	Eksporti për vitin 2023 ⁴	15	15	15
3	Rritja e eksporteve ⁵	15	15	15
4	Qarkullimi vjetor për vitin 2023 ⁶	10	10	10
5	Rritja e qarkullimit ⁷	10	10	10
6	Përqindja e të punësuarve të gjinisë femërore, nga një (1) pikë për çdo 10% të të punësuarve të gjinisë femërore.	10	10	10
7	Rritja e punësimit	Nga pesë (5) pikë për çdo një (1) që do të punësoj	Nga 3.33 pikë për çdo një (1) që do të punësoj	Nga dy (2) pikë për çdo një (1) që do të punësoj
		10	10	10

9. Ankesat

Pas publikimit të rezultateve preliminare aplikuesit mund të adresojnë ankesa brenda afatit të paraparë me UA 01/2018, në platformën e-Kosova.

Shënim:

Në rast se informatat e dhëna në këtë aplikacion vërtetohen që janë të pa sakta, subjektit nuk do t'i realizohet pagesa dhe i njëjti do të mbaj përgjegjësi për të gjitha pasojat, sipas legjislacioneve relevante në fuqi.

³ Të paraqiten në projekt propozim, qëllimi, aktivitet e projektit, kosto financiare, plani kohor i projektit, strukturën organizative të aplikuesit, kapacitetet aktuale prodhuese dhe synimet e rritjes së prodhimit dhe eksportit, apo zëvendësimit të importit në rast të përfitimit të grantit, rëndësia e propozimit me prioritetet e thirrjes, sektorët dhe specifikat e tjera, sa i adreson propozimi i projektit pengesat strukturore të atij sektori, çfarë vlere të shtuar ka projekti për vendin, sa janë aktivitetet e realizueshme dhe të qëndrueshme në lidhje me rezultatet e pritshme dhe rreziqet e mundshme, si dhe mënyra e implementimit.

⁴ Eksporti për vitin 2023 të dëshmohet me dokument të lëshuar nga Dogana e Kosovës. Kjo nënkupton totalin e eksportit të biznesit për vitin 2023.

⁵ Eksportit për vitin 2023 dhe 2022 të dëshmohet me dokument të lëshuar nga Dogana e Kosovës. Kjo nënkupton krahasimin e rritjes së eksportit për vitin 2023 krahasuar me vitin 2022.

⁶ Qarkullimi vjetor për vitin 2023 të dëshmohet me dokument të lëshuar nga ATK. Kjo nënkupton totalin e qarkullimit të biznesit për vitin 2023.

⁷ Qarkullimi për vitin 2023 dhe 2022 të dëshmohet me dokument të lëshuar nga ATK. Kjo nënkupton krahasimin e rritjes së qarkullimit për vitin 2023 krahasuar me vitin 2022.